



UNIVERSITÄTS-
BIBLIOTHEK
PADERBORN

Paraphrasis Psalmorum Davidis Poetica

Buchanan, George

Argentorati, M. D. LXVIII.

VD16 B 3125

Psal. II. Quare fremuerunt gentes? &c. Carm. gen. 2.

[urn:nbn:de:hbz:466:1-69145](https://nbn-resolving.org/urn:nbn:de:hbz:466:1-69145)

PSAL. II. Quare fremuerunt gentes? &c.

Carm. gen. 2.

Quid trepidę gētes, uano fremuere tumul-
 Minisq; populi sæuiunt inanibus? (tu?
 Et cum principibus magni coiere tyranni,
 Dominumq; Christūq; Dñi aduersū truces?
 Vincula quin horū fortes dirumpimus, (aiūt)
 Et lora nostris demimus ceruicibus?
 At pater æthereus, rerum cui summa potestas,
 Ridebit impotentium irritas minas.
 Tum iusta accensus miseros affabitur ira,
 Et per furorem cæca consilia suum
 Turbabit: Cingamq; meum diademate regē,
 Inquit Sionis iura sanctis collibus
 Qui dabit, & latè fundet mea iussa per orbem.
 Deinde allocutus Dominus est me, Filius
 Tu meus es, genui te hodie: me posce, daboq;
 Omnes ut hæres gentium fines regas,
 Qua circumfusa tellus se porrigit undis,
 Regasq; sceptro sempiternum ferro:
 Quumq; uoles, tumidosq; premas, frāgasq; re
 Vt ficta fragili uasa frangūtur luto. (belles,
 At uos, in populos quibus est permissa pote-
 Et ius ab alta sede plebi dicitis, (stas,
 Errorum tenebras depellite, discite uerum:
 Seruite Domino cum tremore: gaudijs
 Et timor & Domini accedat reuerētia uestris.
 Vt missum ab illo filium amplectamini:
 In uos ne iustæ uindictam exerceat iræ,

De

De calle recti deuios. nam quum breui
 Sæuiet iniustos contra iusta ira, scietis
 Quàm sint beati spes in illo qui locant.

PSAL. III. Domine quàm multiplicati.
 etc. Carm. gen. 3.

Heu quanta numero uiribusq; factio
 Me uexat odijs impij!
 Quàm perditorum firma conspiratio
 Coniurat in meum caput!
 Et asseuerant spem salutis in Deo
 Superesse iam nullam mihi:
 Quum tu sub umbra præliantem me tui
 Tam sæpe scuti texeris:
 Quum laudis auctor sis meæ, quum gloria
 Meum corones uerticem.
 Quum nocte Dominus inuocantem me, suo
 De monte sancto exaudiat,
 Curis solutus & recumbo & dormio,
 Resurgo liber à metu.
 Domino excubante, nec meum formidine
 Pectus mouebunt agmina
 Numerosa, nec si sæua feritas omnium
 Coniuret in me gentium.
 Tu Domine in aciem ductor, ut me liberes,
 Prodibis: hostium omnium
 Malasque franges, impiorum & conteres
 Dentes potenti dextera.
 At tu, salutis una spes, populum tuum
 Bonitate solita amplectere.

A ij